



सानसेयारि 'बड'सा' खरीरालाइयाव समाज्यादि जिज्जो लोखा थाबाय रायथाय, बन्ध्याय, बल, बलबाथा आरु दावबायारि थावनि, पार्क बाइदिनि स्यायाव लिन्नाय लिन्बिबां बैथाय ठरु। सानसेयारि 'बड'सा' खरीरालाइया सेबरानाबै फोसावगोन।

बड'स्यायाव लिन्हर्नायनि हुबा खालाम्, 'बड'सा' खरी नौथां, जो बयबो आंगो खालाम्।

सानसेयारि बड'सा मावखुलि
माइवं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Wednesday ★ 10 July, 2024 Kokrajhar, BTC, Assam ★ Vol.- 34, Issue No.105 R.N.I. Regd. No.40994/91, Assam Govt. Regd. No.IPRD.40/2006/3, ★ Rs.8/-

दै बानायाव माथावरि-दैमानि गेजेराव थानाय सुबुंफोराल' भुगिनादों: पियुष हाजरिका

गुवाहाटी, 9 जुलाई: कंग्रेसनि खुंथाय समाव दै बाना आरु हा खुरखानायखौ होबथानो थाखाय बोसोराव 250 कौटि रंल' बाहायोमोन। अदेबानि मिरु सरकार आरु आसाम सरकारनि ज' खालामनानै गासै 2 रोजा कौटि रंजों बोसोरफोमबो आसामनि दै बानाखौ सामलायनारनि थाखाय जो खामानि मावगासिनो दड। बे बिबुंथिखौ लाखिदों आसामनि दै सम्पद मन्त्रि पियुष हाज'रिका। आसामनि गिलु-बालु दै बानानि थासारिनि थाखाय मिरु आरु राइज्योनि बिजेपि सरकारआ



कक्राझारआव ड्राइभिं केम्पेइनआव आखुआरि सोलायनाय हाबाफारि खुंदों

कक्राझार, 9 जुलाई: बिटिसिआरु सुबुंरैखाथिखौ रोखा खालामनो बिटिसिनि गाहाय प्रमद बर'नि रादाय होनायखौ फिन खेबसे रायखानानै हाथा-मेला बिफाननि मावख'गिरिफोरा 1 जुलाईनिफ्राय 31 जुलाईसिम कक्राझारआव मोनसे लामा रैखाथि सांग्रांथि आरु ड्राइभिं केम्पेइनआव आखुआरि (□ 5 बिलाइआव)

दायनिगिरि होना रहलु गान्धीआ बिबुंथि लाखिनारनि फिनजाथाय बिबुंथि महरै मन्त्रि हाजरिकाआ जेबला कंग्रेसनि सरकार दडमोन बे समाव बोसोराव 250 कौटि रंल' दै बानाखौ सामलायनारनि मावझव रं खरसा खालामोमोन। मन्त्रिआ खौरंगिरिनि सिखाव फोरमायनाय बायदिब्ला, मिरु सरकारआ आसामनो मोनै दाहार लानानै हरदों। बेनिनो 90 जौखोन्दोखौ मिरु सरकारआ सुख'गोन आरु 10 जौखोन्दोखौ आसाम सरकारआ सुख'गोन। बे दाहारखौ एडिबि बेकनिफ्राय (□ 5 बिलाइआव)

राइज्योआव गोदान थिसन्थाय राहाया जागायजेनबाय

आजिरा मोन्यायनि सिगांनो सरकारआ थिसन्नायनि थांखि लादों: सोलोंथाय मन्त्रि

गुवाहाटी, 9 जुलाई: राइज्योनि थागिबिफोरनि थाखाय गाहाम खौरां। राइज्योआव गोदान थिसन्थाय राहाया जागायजेनबाय। आजिरा मोन्यायनि सिगांनो राइज्यो सरकार थिसन्थाय होनारनि थांखि लादों। 2025 माइथारनि मार्चयाव 8 रोजा फोरंगिरिफोरा आजिरा मोनगोन। बेनिनो गुदि फरायसालिनिनो 4, 5 रोजा फोरंगिरिफोरा आजिरा मोन्यायनि सिगांनो थिसन्थायनि राहाखौ खालामनाय जागोन। आजिरा मोन्यायनि सानसेनि उनावनो थिसन्थाय होनारनि राहा



खालामनाय जादों। बे बाभ्राखौ फोरमायबावनाय बायदिब्ला, सोलोंथाय मन्त्रि डा: रतज पेगुआ गोदानै सानखान्थि फोरंगिरिनि रोखा फोरमायथिदों। पेगुआ (□ 5 बिलाइआव)

मुदैबारि ब्लक इउपिएलआ सावराय मेल जथुमदों



कलाइगाव, 9 जुलाई: दिने कलाइगावआव मुदैबारि ब्लक इउपिएलनि मावख'थाव मोनसे गोनांथार गाहाइ सावराय मेल खुंफुनाय जायो। बे सावराय मेलखौ मिरु, जिल्ला, ब्लक आरु प्राइमरि लेभेलयाव खुंफुनाय जायो। मख'नो

गोनांदि, बिटिसिनि बिसायख'थिनि सिगां-सिगां बे सावराय मेलआ जोबेरिनो गोनांथि दड। बे सावराय मेलयाव सिडिब्लिउसिनि मिरु सोद्रोमा कुन्जलता बर' भेगाव जिल्ला खुंथायारि नेहाथारि एन्थि बसुमतरिजों लोगोसे साफ्रोमबो

बिबानगिरिफोरानो नुजाथिनो हानाय बे मेलयाव गोबां गोनांथार थांखिफोरखौ नाजानाय जायो। बे सावराय मेलयाव दोलोन फसंथानारि बिथाखौ गोखों खालामनाय आरु बियाबखौ बोखीफिन्यायजों लोगोसे दोलोन इसिडाव थानाय गोरोन्थि सानलायनायखौ गैया खालामनो नाजालायनाय जायो। मख'नो गोनांदि, थांनाय लकसभा बिसायख'थियाव इउपिएलआ मुदैबारि बियाबआव 34 रोजा भट मोन्दों। मख'नो गोनांदि, बिजेपिनिखुइबो बांसिन बे बिसायख'थियाव इउपिएलआ भट मोनो हादों। बे फारसे (□ 5 बिलाइआव)

कक्राझारआव ड्राइभिं केम्पेइनआव आखुआरि सोलायनाय हाबाफारि खुंदों

कक्राझार, 9 जुलाई: बिटिसिआरु सुबुंरैखाथिखौ रोखा खालामनो बिटिसिनि गाहाय प्रमद बर'नि रादाय होनायखौ फिन खेबसे रायखानानै हाथा-मेला बिफाननि मावख'गिरिफोरा 1 जुलाईनिफ्राय 31 जुलाईसिम कक्राझारआव मोनसे लामा रैखाथि सांग्रांथि आरु ड्राइभिं केम्पेइनआव आखुआरि (□ 5 बिलाइआव)

कक्राझारआव सीमान्त चेतना मन्स सा-सान्जानि बान्जायनायाव मोसानाय बादायलायनाय खुंदों

कक्राझार, 9 जुलाई: बिटिसिनि गाहाइ सदर कक्राझार सहरआव दिने सानसेनि हाबाफारिजों हादत अन्साइआरि आयदानि 'सरहद दुखे प्रनाम' देखौखौ लानानै दोलोआरि मोसानाय बादायलायनाय खुंफुदों। मख'नो गोनांदि, सीमान्त चेतना मन्स सा-सान्जानि कक्राझार नोगोर आफादिनि बान्जायनायाव कक्राझार बिगियान फरायसालिमानि मेल (□ 5 बिलाइआव)



दुलाराइ आसाम जिल्ला थाखोनि बास्केटबल टुर्नामेन्टआ खुंफुं जाबाय

कक्राझार, 9 जुलाई: कक्राझार सहर खाथियाव थानाय रियेलिटि पाब्लिक स्कुलआव खुंनाय दुलाराइ आसाम जिल्ला थाखोनि 17 बोसोर सिनि हौवास आरु 19 बोसोर सिनि हिन्जावसाफोरनि बास्केटबल बादायलायनाया समबार्नि मोनाबिलियाव जाफुंसार महरै खुंफुं जायो। समबार्नि मोनाबिलियाव खुंजाय 17 बोसोर सिनि हौवासफोरनि फाइनल मेचआव गवालपारा हान्जाया मरिगाव हान्जाखौ फेजन्नानै चेम्पियन जानो हायो आरु कामरुप मेट'आ थामथि मासिखौ देरहानो हायो। बे बायदिनो 19 बोसोर सिनि हिन्जावसाफोरनि (□ 5 बिलाइआव)



बादायलायनायाव कामरुप मेट' हान्जाया गुवाहाटी स्पर्टस एस'सिएशनखौ फेजेनानै चेम्पियनशिपखौ देरहानो हायो आरु गलाघाटनि हिन्जावसा हान्जाया थामथि मासियाव देरहानो हायो। कक्राझार बास्केटबल (□ 5 बिलाइआव)

मुंदांखा थुनलाइगिरि-खौरंगिरि पबित्र बराआ जयसिं हान्से बान्थानि थाखाय सायख'जादों

गुवाहाटी, 9 जुलाई: काबिआलं जिल्लानि डिपु सहरनि सासे मुंदांखा थुनलाइगिरि-खौरंगिरि पबित्र बराओ 2024 माइथयनि थाखाय आरिमु-थुनलाइ आरु हारिमुआरि बिथिआव जरखा बिहोमा होबोनायनि थाखाय काबिआलं जिल्ला साहित्य सभानि हेफाजाबआव आसाम साहित्य सभानि गेजेरजों बे बान्थाखौ गथायनारनि थांखि लादों। बे बान्थाखौ सोलिफु दाननि फेगौ 21 जुलाईयाव साननि 10:00 रिगायाव डिपुनि लुरुलंसआव थानाय रंसिना भवनआव गथायना होगोन। मख'नो गोनांदि, आसाम साहित्य सभानि आफादिगिरि, लेडाइ (□ 5 बिलाइआव)



आफादिगिरि, गाहाइ नेहाथारि, मावफुं सोद्रोमा, काबि लामेत आमैइनि आफादिगिरिमोनजों लोगोसे जिल्लानि मुंदांखा सुबुंफोरनि नुजाथिफेनायाव बे बान्थाखौ गथायगोन। आगुआव (□ 5 बिलाइआव)

रासियाआ भारतारि रैनियाफोरखौ हगारसिगोन

गोदान दिल्ली, 9 जुलाई: रासियानि रैनिया हान्जायाव सांखि मावनाय साफ्रोमबो भारतारि नोगोरिफोरखौनो हगारनाय जासिगोन। समबाराव रासियाआव नुजाथि हैनो हानाय गाहाइ मन्त्रि नरेन्द्र मदि आरु रासियानि हादतगिरि पुटिनजों सावरायनारनि उनावनो बे बाभ्राया रोखा जादों। भारतिनि गाहाइ मन्त्रि नरेन्द्र मदिआ सान्निहि हाबाफारिजों रासियाआव दावबायहदों। मिबन्थिनो मोन्याय बायदिब्ला समबाराव गाहाइ मन्त्रि मदिआ रासियानि हादतगिरि



ब्लाडिमिर पुटिनजों सावरायलायनायाव बे आयदानि सोमोन्दे गुवारै सावरायदोंमोन। बेनि

उनावनो पुटिनआ रासियानि रैनिया (□ 5 बिलाइआव)

नंखाय फार्मासिस्टनि फोरमान बिलाइ गैयै फार्मासिखौ शील खालामबाय बिजि थुजानानै सासे लाइमोनआ जिउ गोमादों

सालबारि, 9 जुलाई: नंखाय फार्मासिस्टनि फोरमान बिलाइ गैयै गंसे फार्मासिखौ जोबथारनायाव शील खालामनाय जाबाय। बाक्सा जिल्ला सालबारि महकुमानि सिमलागुरि पुलिस बादानि सिडाव थानाय माजरागवनि जुयान आलि सामलायमनाय आसिफुल मेडिकल मुनि गंसे फार्मासिखौ दिने मंगलबारसालि शील खालामनानै



गुबुन गुबुन अजद गोनं मुलिआरि बेसादफोरखौ देहा बिफाननि मोनसे हान्जाया बोखोंदों। मख'नो (□ 5 बिलाइआव)

गोनांदि, थांनाय 25 जुनखालि मुना भाइ एमबिबिएस सावथुननि (□ 5 बिलाइआव)

बजालिनि बुथारनाय जाथाइनि गाहाइ दायनिगिरिखौ हमनो दाबि खालामनानै डिजिपिनो गोसोखां बिलाइ गथायदों

आफादि रौमारि सिफुं हारिमु आफादिनि बान्जायनायाव बिटिआरिनि सिनेमा आरु थियेटर बिफाननि हेफाजाबआव रौमारि 142 नं. हिन्जावसा गुदि फरायसालिआव 20 सान नाडै दिहुन्थाइ गोनां थियेटर मावबादाखौ मैया समबाराखालि बेलासिआव बिटिआरि सिनेमा आरु थियेटर मावबादानि क-अडिनेटर सन्जिब कुमार ब्रह्मा बखेवना हायो। बे मावबादाखौ बेखेवनानै बिथाड बिटिआरिआव बे खेबआव मोन 7 जायगायाव गोदान जौलैनि (□ 5 बिलाइआव)



सालबारि, 9 जुलाई: सोलिफु दाननि थांनाय 1 जुलाईखालि हरआव बजालिनि धुमारकुआव खास्त्रि-बिस्त्रि बुथारनाय जाथाइनि गाहाइ दायनिगिरिखौ हमनारनि दाबि देखानानै दिने आसाम प्रदेश कंग्रेस सिबिथाइ दोलोआ आसाम पुलिसनि बिथोनगिरि गाहाइ जिपि सिंनो गावनि मावखुलियाव लोगो हमनानै गांसे गोसोखां बिलाइ गथायो। मख'नो गोनांदि, बजालि धुमारकुआरनि थागिरि-फालांगिरि इमब्राहिम आलिखौ 1 जुलाईखालि हरआव माखासे हाथियार लाप्रा (□ 5 बिलाइआव)

दुथांफोरनि हान्जाया गावनि न'आव हावफे नानै हाथियारजों गाग्लोबनायजों लोगोसे एमब्राहिम (□ 5 बिलाइआव)

बाक्सानि आइटी पार्कआव पुलेट दिहुन्यायनि खाबुफोरनि सायाव सांग्रांथि हाबाफारि खुंदों

कक्राझार, 9 जुलाई: बिटिसिनि क'अपोसन बिफानआ दिने बाक्सानि इन्टिग्रेटेड टेक्स्टाइल पार्कआव मोनसे सांग्रांथि आरु सुबुं गौमा खुंदों। बे जथुमनि थांखिया मोनसे समबाय आफाद दानो आरु पुलेट दिहुन्थायनि खाबुफोरखौ नागिरनो थाखाय दिथागिरि आफाद (बिआडि) जथायनाय। बिआडिआ दाजाबथायारि फिननाय होयो आरु बिटिआरिनि पिपिसिफोरखौ जौगाहोनो थाखाय बिटिसिनि गाहाय प्रमद बर'नि हाबाफारिफोरनि सायाव मिजिथियो। मोन 24 गुदि आबाद दाहार आफादफोरनि (पिपिएएस) थान्देफोरा सांग्रांथि हाबाफारियाव बाहागो लायो। बे हाबाफारियाव क'अपोसननि सिपुइसडि जयन्त खेरकारारीआ मिरुनि मददजों मावथांखिफोर (□ 5 बिलाइआव)



चिरानि रौमारिआव दिहुन्थाइ गोनां थियेटर मावबादा खुंदों



बासुगाव, 9 जुलाई: चिरां जिल्लानि सिडाव थानाय रौमारिआव 20 सान नाडै

फावथिना दिन्थिनारनि मावबादाआ जागायजेनबाय। जिल्लानि गुबुन मोनसे हारिमुआरि

SINCE 1982

DAS JEWELLERS

1982 To 2024
42 Years Anniversary

शांति सोना-शांति दास

J.D. Road Kokrajhar

42 बोसोआव आगान होवाय कक्राझार सहरआव थानाय दाव जुयेलासआ। वेनिस्त्रायनो वायगिरिफोरनो 42 जौखोन्दो वानायनारनि वेसेनखौ रेहाय होनाय जादो।

वे खापुरखौ 7 जुलाईनिफ्राय 14 जुलाई, 2024 सिम होनाय जागोन। वे रेहायखौ कक्राझार स्व'रुमआवल' होनाय जागोन। गोसो गोनां सना वायगिरिफोरस गाहायाव होनाय फन नवबरआव जगाजवा खालामनो लगोन।

For 42 years Anniversary of our Kokrajhar Showroom gets a Gold Makeover a discount 42% on making Charges,

Offer period 7th July to 14th July, 2024

Condition apply: This offer period is applicable only for the Kokrajhar Town Showroom

Ph: 03661-355618,
Cell No.: 8876631728

बबे मुवाया गोरानआव गिलिर आरो गिसियाव रेजें जायो?

सरसन्नायै जौं नुनो मोनोदि, मुवाफोर गिसि जानायनि उनाव बेनि लिस्थाइया बांसिन जायो आरो सावोब्ला हाथ 'फ्ला जानानै बेनिबो गिदरिसिन जायो। नाथाय मोनसे मुवा दड; जाय बेफोरिनफ्राय आबुडै उल्था। थामहिनबा बे मुवाया गिसि जायोब्ला



रेजेंसिन जायो आरो गोरानआवसो बेनि लिस्थाइया बांसिन जायो। बेनि फिन्नायखौ गोबां सुबुंफोरानो होनो हानाय नड। सुबुंनि जिउआव सरसन्ना गियान एबा जेनेरेल नलेसआ जिउ खुंनयाव मदत होनायजौं लोगोसे बायदि रोखोमनि खामानि मावनायावबो



हेफाजाब होयो। फारसेथिं आथिखालनि थिसन्थाइ आन्जादफोरव जेनेरेल नलेस आरो कारेन्ट एफियासिन गियान थानाया गोनांथार जानानै फेबाय। माखासे गियानफोर जौंनि पार्सेनेलिटिखौबो दिन्थियो। जौंनि सोरगिदि नुनो मोन्नाय गोबां मुवा-बेसाद एबा जाथाइफोरखौ जौं बांसिनानो नोजोर होया। दिनेनि मोनसे सौंथिया



जादों बबे मुवाया गोरानआव 2 किल 'ग्राम लिस्थाइ जायोब्ला गिसि जानायनि उनाव बेनि लिस्थाइया खमायना 1 किल 'ग्रामल' जाहैयो। बेनि अनगायै जुदि बेखौ सावना होनाय जायो अब्ला बेनि लिस्थाइया बारायना 3 किल 'ग्राम जाहैयो। सरसन्नायै जौं बयबो मिबथिगौदि, मुवाफोर गिसि जानायनि उनाव बेनि लिस्थाइया



बांसिन जायो आरो सावना होयोब्ला हाथ 'फ्ला जाना जोबोद एसेल' एबा रेजें जायो। नाथाय मोनसे मुवाया औरैबायदि, जाय बेफोर टिउरिनफ्राय उल्थायै खामानि मावो। बेनि फिन्नायानो जादों सालफार। बेयो गोरान अबस्थायाव 2 किल 'ग्राम जायोब्ला



गिसि जानायनि उनाव बेनि लिस्थाइया 1 किल 'ग्राम जाहैयो आरो बेखौ सावनानै होनाय जायोब्ला बेनि लिस्थाइया बारायनानै 3 किल 'ग्राम जाहैयो। □

भारतआ राफेल मरिन उरां जाहाज बायनो थाखाय थांखि लादों

गोदान दिल्ली, 9 जुलाई : दै सान्निह हान्जानि थाखाय गं 26 राफेल मरिन दावहा नांरा उरां बायनायनि थाखाय भारत सरकार फ्रान्सजौं सावरायदों। गासै 50 रोजा कौटि रनि बांसिन बेसेननि रादायखौ जाफुंसार होनायनि थाखाय कम्पानी आरो फ्रान्स सरकारनि बिबानगिरिफोरजौं सावरायनाया सोलिदों। सुलुंनि बायदिब्ला, बेयाव उरां जाहाजफोरनि बेसेनखौ लानानै गनार्यथिज्जलायनायनि गेजेरजौं जोबथा थांखि लानाय जागोन। बे रादायनि थाखाय फ्रान्सआ 50 रोजा कौटिनि बांसिन दाबि खालामदों, नाथाय भारतआ बेखौ 50



रोजा कौटिनि गाहायावनो थि खालामनो हास्थायदों। गंफ्रोमबो उरां जाहाजआव माखासै रोखोमनि

मिसाइलफोरखौ सरजाबनाय थागोन। फारसेथिं उरां जाहाजफोराव आलादायै माखासै जोन्थोरफोरखौ मिसाइल हाथियारआवो लागायनाय जागोन। □

सेरछिप जिल्ला जेलनिफ्राय खारनायनि उनाव म्यान्मारनि नोगोरारिखौ फिन हमफिनबाय



आइजल, 9 जुलाई: सेरछिप जिल्ला जेलनिफ्राय खारनाय म्यान्मारनि सानै सुबुंनिफ्राय सासेखौ मिज 'ग्राम पुलिसआ रबिबार मोनायाव फिन खेब हमफिनबाय। जेल बिफाननि बिबानगिरिफोरनि बादिब्ला,

म्यान्मारनि थेन्त्लांगनि थागिबि लालनुनिमा (31) खौ बानचेंटे गामि खाथिनिफ्राय हमनाय जादों। मानोना बियो मोनसे गिदर अनथाइनि खाथियाव जाब्रबथाइ जादोंमोन आरो बियो एसेदुखु मोन्दोंमोन। मिबथिनो मोन्नाय जादोंदि, लालनुनिमा (31) आरो दायनिगिरि लोगो लालछनहिमा (44) निबासि लिसेनुआ म्यान्मारनिफ्राय शनिबारीनि मोनाबिलिआव शेरछिप जिल्ला जेलनिफ्राय खारदोंमोन। बिसोरखौ 10 जुन, 2024 माइथायाव एके-47 असाल्ट रइफलजौं लोगोसे ग्रेप्टर खालामनाय जादोंमोन। बिबानगिरिफोर मिबथिहोदोंदि, सानैबो दायनिगिरिया सानजौफुआव भलिबल गेलेगासिनो दडमोन। जायनि उनाव बिसोरो स्टर रुमआव गावसिन गेलेग्रा मुवाखौ दोनहैनो थानाय समाव गाहाइ जेल हाबग्रा दरजाजौं खारलादों। □

हाबा

गाव हररिनि थासारिखौ रैखा खालामनाय थांखिजों बिखायाव बोजबना इयुनि सुबुंफोरनो दोनलांनंगोन नेरसोन

थार मावथांखिया साफ्रोम हरि अनसाइग्रा फोरनियाव थानांगोन अब्लासो समाज आरो हादरनि गाहाम मावनो हागोन हाबा।

सबिराम बर
राबा, बारसा

बाखानाय मोन्दों

आं दिने बाखानाय मोन्दों जिराइनाय समाव आखाय सोमावनो, आं दिने मेंनाय बायदि लोरलाजब जादों उदां समाव दलरै सोलेरखौ हागरसारदों, बाखानाय मोन्दों आं किबर्डआव आसि बिलिरो, आं बाखानाय मोन्दों जिराइनाय सानाव सानगोथौ साननो।

रालाप खुपुर बसुमतारि
बसगाव, कक्राझार

रंजालि गथ 'फोरनि सौरा

जिउनि जोबथि बुब्लिसिम

नों साननि सोरां जाय आनि - सानखौ गोजौंसिन खालामो, नों हाथरखि जाय हरनि - खोमसि लामाजों सोरां होयो, नों गुसु सुदेम बार जाय आनि गोसोखौ सुरलाय होयो, नोंनि दुंबुद बोजबना लानाया आनि गोसोखौ आबुं खालामो..

नोंनि थाइने मेगना मोजां मोनलायनायनि खिरखि , नोंनि मिनिनाय- नोंनि गासैबो आखल आखुवा गनायथाव इसारा फोरमायो, जानांगौ बे बहुमाव नोंखौ आरो आनि थाखायल' सोरजिदों..... नोंनि महारा जेब्लायबो जौंखाडे जाय माब्लाबाबो गोमोरलाड,

नों मिलौदो खबाम जाय आनि गोसोखौ गोरोबहोयो, नों मिलौदो देंखो जाय गासैयावबो रंजानाय लाबोयो, अरायनि थाखाय आरो अरायबो नोंनि थाखाय आनि अननाया बांगोन..... !

बिराइ बसुमतारि
गामि : 2 नं बेस्त्राव, ठेकियाजुलि

आं जेनाखै मिजिं लाना हान्थिनो

जिउ गोजोत्रायनि मोनसे बुब्लिसिम जाफुंसारनाय मिजिंनि सेर-सेर गोबौं सुग्लायनायनि हाबिला आं जेनाखै मिजिं लाना हान्थिनो बे मुलुगाव...

मिजिंनि गोजोन थावनि नागिरना गाव एंगारनाय जिउनि गोदान गाव गाहोना सिमांफोरा आनि हान्थिनो सोमखे जोमैनि अखोराडव गोजों हाथरखि सोरजिना...

आं जेनाखै मिजिं लाना हान्थिनो मिजिं जाफुंनायनि बे बुब्लियाव दाबोरसे जिउनि गोजोन थावनि नागिरनाय आनि आगानाव, फेदोंब्लाबो गोबां जेना....

गोबौं बायगिलनाय फेलेंनि इसारा अब्लाबो, आं जेनाखै मिजिं लाना हान्थिनो नेबै मुलुगाव।।

आलेरा बर'
बर बाजार सोलोलसालिमा,
चिरां

हस्तेलनि जारौ

हस्तेलनि जारौ फेदोंमोन जारौआ गोदानै कलेजाव एदमिसन लानो, दानसे बारलांनयनि उनाव नुबाय बिनि आखलखौ। हस्तेलनि बिलदिं सायाव थाना गोदोना फोलाव फोलाव नायहरसै सेनियर सेंग्राखौ, कलेजाव सिनाय मोनिखौबो सिनायनो रोंगौ जारौआ। बिमा बिफानिफ्राय फिस नांगो होन्ना बिहरो नैजि रोजा गाहाम गिदिहैयो हस्तेलनि आन्दोआव, सिनायो बयबो हस्तेलनि रानि होन्नायै। उदिस लायो बयनिबो बाइल नाम्बार, गाद 'बनानै दोनो बियो हस्तेलनि बयखौबो। हस्तेलनि सिंआव थाना बियो आनि बैयो आनि बुंनानै लासो गारो जारौआ, माब्लाबा दुमदाखालबो खालामो बियो जेन्नांगो जायोब्ला।।

मनिका गयारि
गोदान देलहावसि, गहपुर

गेदेमा ब्रजेन्द्र नाथ ब्रह्मखौ सुंग्रिखाना

बुरलुंबुथुर सेरफानि आरिमु नों सादा सिदा अनफावरि खन्थाइनि बेरेमोदे नोंनि गारां बुरलुंबुथुर गाथोनाव मोन्थाइनि सोमावसारनाय।

बेनो थार सल 'बाथा आरो साइकेल गोजां , खन्थाइयाव गोजा गान्देउलानि बाथा खन्थाइयावो जायनि बिख्लो बिप्रायारि हान्जानि गाहाइ रौनिया आरो खन्थाइगिरि बुडेब्ला नोंनि मोखाड जांखोल बेरखाडे।

बिनिखायनो आं बिमुं होबाय गोजा गान्देउलानि खन्थाइगिरि , दिने नोडे फोरगोननि थागिरि जाहैबाय दुहाव बुब्लिआव रंसारि जानाय बै साननि जाराम फुंनि गाबाव।

थैनायनि दस गैया फान्जामुथिआव थारैनो फोरगोनना नोंनि बिथं अख्खाड दानसां जागोन नोंनि जांखोल मोदाननायाव।

नोंनि सोरजिनाय खन्थाइनि बेरेमोदेखौ लौना बर' बिमाया गेरेमसा जानायनि लामायाव आगान सुरबाय।

दाथों नोंनि थुलुंगायाव जोबनो रोडे'खन्थाइ सल' बाथा नोंनि बादि बायदि बायदि गेबें-गोलैं खन्थाइनि गारां।

पबित्र ब्रत दैमारी
गलाघाट

नोंखौनो नेनानै.....

सान सिखलाया बिदायनि समाव होलांनय जारौ सोरांआव नों साया-माया नुजाफैयो आरो आंखौ आख'-फाख' खालामनानै गोमालाडे नों मिथिस्लाबै। जारौ-रौ साननि मोदाननाय खो-खो बार बारनाय दैसा जिनि सोनाब रुगुंआव रंजा-खुसियै बिरलांदों फालोसे दावब'। थाइने मेगनि नोजोराव नाफेदों आंबो मिजिं रनसाइदों, बै फालोसे दावब' बायदि नोंनि आखाय हमनानै बिरलांनो गोसोनि गाखंजों बै मारुसिम। नाथाइ, बेदि जाफुंनो? बेदि गाव गोयै सिमांसो! गोरबोनि मिजिंफोरा गोरबोयावनो उजियो गोरबोयावनो गोमालाडे मोदेनि बानाजों थाथिरनो हायैयाव। मिथिया जिउनि बुब्लिया मानो अन्थाय बिखा, साननाय-हास्थाइनाया जलानाय मालानि बिबार बायदि सिरिलाडे, अब्लाबोदि सुजुयो आं मोग्थां नडब्लाबो, सिमांआवनो नोंजों अराय जिउनि गोदे सल'। सानबोलावरिजों गां बुब्राब बायनानै गावखौ खोमायो आं सानब्रेनायनि खोमसि हरनि लैथोयाव....। गोजोननि देरा साजायनायनि रोजाबां सिमां-हाबालास फिसि-फिसि दड आं दाबो बै सुदेम मारुआव नोंखौनो नेनानै.....।।

लक्ष्मी बर'
2 नं सिंग्रिबारि, उदालगुरि

सल 'मा बादि

एखर एखर मानसिनि जिउ बिथुना दंमारो दुखु दाहानि गोलाव सल 'मा बादि

रैदोम बर', बाक्सा

(□ 1 बिलाड़िनफ्राय)

दै बानायव माथावरि-दैमानि गेजेराव थानाय सुबुंफोराल' भुगिनादों: पियुष हाज 'रिका

लानाय जादों। बेवहाय गासै 3500 कौटिं रं आरो मुलुग बेंकनिफ्राय 1250 कौटिं रं लानाय जादों। गासै 5 रेजा कौटिं रं दाहार लानाय जादों। नांगो जानाय बायदि ब्रह्मपुत्रनि खुरखानायखो होबथानायनि खामानिया सोलिबाय थागोन होन्ना मन्थिआ फोरामानया मरिगाव जिल्लायावबो 450 कौटिं रंनि खामानि मावगासिनो दड होन्ना फोरामायदों। बेबायदिनो डिब्रुगड आरो आसामनि गुबुन गुबुन ओन्सोलफोरवको बेबायदि खामानिया सोलिगासिनो दड। मिरु सरकारआ जॉनो 5 रेजा कौटिं रं दाहार लानानै होदों। बेनिनो 90 जौखोन्दोखो एवा 4500 कौटिं रंखो मिरु सरकारआ सुख'गोन आरो 500 कौटिं रंखो आसाम सरकारआ सुख'गोन। बेनि उनावनो रेखा जायोदि, आसाम सरकारआ बोसोरव खमैबो 1 रेजा कौटिं रंखोनो दै बानाखो सामलायनो बाहायो। मिरु सरकारआ दाहार लानानै हरेनाय रं आरो आसाम सरकारनि रं लानानै गासै 2 रेजा कौटिं रंखो बोसोफोरमबो आसामनि थाखाय खामानि मावगासिनो दड। बे बोसोरव ब्रह्मपुत्रआव मोनब्रे खोन्दोयाव माथावरि बायदों। मोनसेबो माथावरि जाहाथे बायलाड, बेनि थाखाय सरकरआ खामानि मावगासिनो दड। नाथाय हानि माथावरिया मबावबा नड मबावबा मोयफा-मोनै बायफलाड। कंग्रेस सरकारनि समाव 2004 माइथायाव आसामआव 354 माथावरि बायदोंमोन। जायनि मोनब्रे ओन्सोलयाव माथावरि बायदों बे सुबुंफोरनियावल' दै बाना जादों। मोनसेया जाव्या हातिमुग माथावरि, बे माथावरिया बायनयनि जाहोनाव बे ओन्सोलनि सुबुंफोर ख'हा जादों। बकाखातनि बंकवाल गामियाव माथावरि बायनानै सुबुंफोर ख'हा जादों। बेबायदिनो जुगिनिधारी मुनि गामियावबो माथावरि बायदों। बेवहाय मोनथाम-मोनब्रेसो पन्चायतफोर ख'हा जादों। तेडकाटयाव बुरिडिहि दैमानि मोनसे माथावरि बायदों। बेवहायबो मोनथाम-मोनब्रे पन्चायतफोर ख'हा जादों। जे जायगायाव सुबुंफोर देमा आरो माथावरिनि जायगायाव थायो बे जायगायाव' दै बाना सोमजिदों। मरिगाव जिल्लायावबो 10 रेजा सुबुंफोर दै बानाजों भुगिनादों होन्ना फोरामानयानै मन्थिआ माथावरि बरानानै थानाय सुबुंफोर रवहाबो ख'हा जायाखे होन्ना फोरामायबवदों। खालि माथावरि आरो दैमानि गेजेराव थानाय सुबुंफोराल' दै बानाजों भुगिनादों होन्ना मन्थिआ फोरामायदों □

राइज्योआव गोदान थिसन्थाय राहाया जागायजेनबाय

मासि सोर्जिनाय जागोन। सानखान्थिनि फोरोंगिरि थिसन्थाय होनायनि थाखाय केविनेटआ थांखि लादों। सानखान्थि फोरोंगिरिनि थाखाय गोदान मासि नड, लांदों जानानै थाखानाय मासियावसो सानखान्थि फोरोंगिरिखो थिसनगोन। थिसन्थाय राहाया जागायजेनबाय। गुबुन फारसेदिं माखासे फरायसालिमाफोर बेसेन बायनयनि सोमोन्दै सोलौंथाय मन्थि पेरुआ फोरामानया बायदिद्ला बे बोसोरव सोलौंथाय फसंथानफोर गोबां होनो गोनां बेसेनखो बायदों। आसाम सरकारआ फरायसालिमाफोरनो गासैबो पिसखोनो होनो होन्दोंमोन। बेनि उनावबो माखासे फरायसालिमाफोर 650 रडे लादों। अदेबानो बे 650 रडे लानाय पिसखो फरायसाफोरनो हरफिननादों। फरायसालियाव फरायसा-फरायसुलिफोरनि नुजाथिफेनि आयदाखो लानानै सोलौंथाय मन्थिआ फोरामानया बायदिद्ला, फरायसालियाव सानसेबो नुजाथिनो हायै फरायसा-फरायसुलिफोर धुबुरी, बरेपेट आरो नगावआव बांसिन। बवे-बवे फरायसालिहा नेटवार्कनि जेना दड बेखो राइज्योननि सोलौंथाय बिफानआ सिनयर्थिनो हाखाबाय। बेबायदि फरायसालिफोरनि अन्जिमाया बार गोबां नड। शिक्षा सेतु एपनि फांसनखो जोफौखानयनि थाखाय मोनसे आफाद दानाय जाव्या। आफादिनि बोसोन बायदिदै रहा खालामनाय जागोन। सानसेबो नुजाथिनो हायै फरायसालिनि फोरोंगिरिफोरखो जाहोन मिबथिनो थाखाय दान-बाथाखो हमथानानै लाखिनाय जादों। फोरोंगिरिनि मुखव थिसन्थाय लानानै बेसेबां सुबुंआ गुबुन बिफानयाव खामानि मानवानै दडबेखो दान-बाथाखो हमथानानै लाखिबानो ओंखारगोन। लोगोसे पेरुआ फोरामायबावनाय बायदिद्ला, गोबां फरायसालिफोरनि नुजाथिनाया 60 जौखोन्दो, नाथाय जाग्रा आदारखो होनाया 100 जौखोन्दो। बे समनिफ्राय नुजाथिनाय बायदिदैसो जाग्रा आदारखो जगायनानै होनाय जागोन। बेनि गेजेरजों सरकारआ गोबां रं रेखा खालामनो गोहोन □

कक्राझारआव सीमान्त चेतना मन्स सा-सान्जानि बान्जायनायाव मोसानाय बादायलायनाय खुदों

जधुम सालियाव खुंनय बे दोलोआरि मोसानाय बादायलायनायाव जिल्लानि गुबुन गुबुन ओन्सोलनि डन्स एकाडेमिनि गासै सा 144 बादायनिफोर बाहागो लादों। सानसेनि हाबाफारिजों खुंनय मोसानाय बादायलायनायनि उनाव बान्था गथायनाय हाबाफारिबो खुंजादों। बे बान्था गथाइयाव हाबाफारियाव गाहाइ आलासि महेर बिटिसिनि गाहाइ मावफुं सोद्रोमा प्रमद बर', सीमान्त चेतना मन्सनि राइज्योआरि आफादिगिरि बिनिता भागबति आरो बान्जाय आफादिनि आफादिगिरि भारत शर्मा मोनहा बाहागो लाफेदों। हाबाफारिआव बाहागो लाफेनानै बिटिसिनि गाहाइ मावफुं सोद्रोमा प्रमद बर'आ खौरं बिजौनि सिगाखव सीमान्त चेतना मन्सआ थानाय माखासे बोसोर नडे 'सरहद दुझे प्रनाम' आयदाफारिनि जाय हाबाफारि खुंनोगासिनो दड। बेनि थांखिआ हेदेमा होन्ना मख'नानै जायनि गेजेरजों जैनाजों मोना-मोगि जानाय बे ओन्सोलफोरव गोजोन खौसेथि सोमजिनयजों लोगोसे बे ओन्सोलनि गोदान जौलैआ गावसरनि रेंगौथि जौगाखां होनायनि खाबु मोन्दों होन्ना मख'दों □

मुदैवारि ब्लक इडपिपिएलआ सावराय मेल जधुमदों

थिंजायनिफ्राय नायोब्ला बे खेबाव इडपिपिएलआ मोनसे पेक्टर दोलो जागोन। फौगो 11 जुलाईयाव कलाइगावनि प्रगतिविल सावराय नव्लाडव जिल्ला कमिटीनि मेल, 12 जुलाईयाव लाइमोनगंखनि मेल आरो 15 जुलाईयाव बिजेपि आरो इडपिपिएलनि अयेल काम सेरिमिनि खुंफुंजागोन। दिनेनि गोनांथार गेवलां मेलयाव इडपिपिएल दोलानि गासैबो मावफारियाफोरनो मुदैवारि बियाबखो बोखानायनि सायाव जन्जि खान्फोनो थाखाय खावलायनायखो नुनो मोन्दों। मख'नो गोनांदि, दोलानि गेजेराव जाहाथे जेबो रोखोमनि बेले-बेजे सोमजिया, बेखो नोजर होनानै इडपिपिएलखो दावगाहोलौंनानयाव गोनांथि होनो मिरु इडपिपिएल सिडब्लिउसिनि सोद्रोमा कन्सुलता बर'आ गावनि बिबुंथियाव फोरमायो। बे मेलखो मुदैवारि ब्लक इडपिपिएलनि आफादिगिरि पबित्र बसुमतारिआ सामलायो। मख'नो गोनांदि, एमसिएएल गेजायै बे बियाबआव गोबां दुखु-खस्थनि गेजेरजों थानानैब्लाबो साफ्रोमबो दैदेनिगिरि-मावफारियाफोरनो मुदैवारि ब्लक इडपिपिएलखो दैदेनलानायाव जाफुंसार जादों □

चिरांनि रोमारिआव दिहुन्थाइ गोनां थियेटर मावबादा खुदों

गेजेराव हारिमुवारि आसार-खान्थिखो थि लाखिनाय आरो बेखो जौगाखां होनायजों लोगोसे सोलौंनो फेनाय बिजाथिफोरनि लामाखो गेवलां खालामनो नाजानाय जादों होन्ना फोरमायो। बिटिआरनि गाहाइ मावफुं सोद्रोमा प्रमद बर'नि नाजानायाव फारियै हारिमुवारि बिधिंआव सिगांलांगसिनो दड होनानैबो क-अर्डिनेटर सन्जिव कुमार ब्रह्मआ बिबुंथि लाखिदों। सा 20 सोलौंसाफोर बाहागो लानाय बे मावबादायाव जह्मजानि रिपलिकानि बिथोनगिरि रुपन्वति महन्त, एनएसडिनि सिक्किम मिरुनि थियेटर फोरोंगिरि रिपुन ब्रह्मजोमहा फोरेंथाइ होगोन। हाबाफारिआव सिफुं आफादिनि आफादिगिरि खोरोमदाव बसुमतारि, बोसोनगिरि नन्दलाल बसुमतारिमोनजों लोगोसे माखासे जरखा सुबुंफोर बाहागो लादों □

मुंदांखा थुनलाइगिरि-खौरांगिरि पबित्र बराआ जयसिं हान्से बान्थानि थाखाय सायख'जादों

जयसिं हान्से बान्था मोनगिरिफोरनि गेजेराव फारियै बिरन सिंह, बसन्त दास, डू फुकन चन्द्र पांस, जय्य राम गौ, लुनसे टियुंमोनहा दंफायो। मख'नो गोनांदि, बकाघाटआव जोनोम मोन्या मुंदांखा थुनलाइगिरि-खौरांगिरि पबित्र बराआ उदैनफ्रायनो बायदि जेना-जेंसिनि गेजेरजों सिगांबोनानै दिने डिपु सहदिनि थागिरि जानानै सासे मुंदांखा लिंरगिरि महेर दाफुंजादोंमोन। मुंदांखा थुनलाइगिरि पबित्र बराआ गिबियाव सिमेन्ट फेक्टर आरो बेनि उनाव फोरेंथाइ हाबा मावनायनि उनाव इयुन समाव 'आमार असम' खौरं बिबान्थि खौरांगिरि महेर बराआ गावखोनो दाफुंनो हादोंमोन। लोगोसेनो खौरांगिरि हाबा मावनायनि गेजेरजों गोबां बेसेन गोसा बिजव दिहुन्नानै उनाव गिर्दिफिन्ना नायफिन्सो सम मोना लासिनो सिगांलानानै माखासे बान्थाफोरबो मोनो हादों। गुबैथे समाजनि अन्सायगिरि जयसिं हान्से गोसोखां बान्थानि थाखाय बिथाड सायख'जादों □

बजालिनि बुथारनाय जाथाइनि गाहाइ दायनिगिरिखो हमनो दाबि खालामनानै डिजिपिनो गोसोखां बिलाइ गथायदों

आलिखो नोजर होनानै गुलि गावनायाव जाथाइसालियावको जिउ गोमानायजों लोगोसे इमब्रहमनि बिमा शेहेर कानुनआबो गोब्राबे जोखेम जादोंमोन। बे जाथाइनि उनावनो बजालि पुलिसआ बुथारनाय जाथाइजों लोब्बा थानाय सा 6 सुबुंफोरखो हमनो हादोंमोनब्लाबो बुथारनाय जाथाइजों लोब्बा गोनां गुबै दायनिगिरि आरो बुथारनाय जाथाइनि थांखि सोरदिज्रा दुथांखो आथिखालावबो पुलिसआ हमनो हाथैनि मोनसे गोनांथार अजद ओंखारदों। बे जाथाइनि उनावनो इमब्रहम आलिनि थाखुलियाव आसाम प्रदेश कंग्रेस कमिटीनि आफादिगिरि धुपेन बराआ फेनानै गुबै दायनिगिरिखो 10 साननि गेजेराव नागिन्ना दिहुन्नो थाखाय पुलिसनो सम सिमना खानानै होनायनि उनावबो दिने आसाम प्रदेश कंग्रेस सिबिथाइ दोलानि जानानै दोलानि आफादिगिरि द्वीप बायनआ पुलिस बिथोनगिरि गाहाइखो लोगो हमनानै इमब्रहम आलिनि गाहाइ दायनिगिरिखो थाबैनो हमनानै ओन्सोलाव सरसनखा थासारि लोबोनो थाखाय गोसोखां बिलाइ गथायो □

कक्राझारआव इडपिपिएलकेम्पेइआव आखुआरि सोलायनाय हाबाफारि खुदों

सोलायनाय हाबाफारि खुंजासिनो दं। बे हाबाफारियाव हाथा-मेलो बिफाननि मावख'गिरिफोर लामा रेखाथिनि आरो ट्राफिक नेम-खान्थिफोरनि गोनांथिनि सायाव राइजो-रजाफोरनि गेजेराव सांग्रांथि लाबोनो थाखाय नाजागासिनो दं। बे नाजानयनि बाहागो महेर गुबुन राइज्योनफ्राय आसामाव हाबफेनाय ट्राकफोरव रिफ्लेक्टिभ टेप लगायनाय जादों। बिनि अनागयैबो, फरायसाफोरखो लामा रेखाथिनि सोमोन्दै सोलौंथाय होनायनि थांखिजों फरायसालि आरो फरायसालिमाफोरव लामा रेखाथि सांग्रांथि हाबाफारि खुंनय जादों □

भारतीय फुटबल हान्जानि कच मासिनि थाखाय सा 291 बिजाथिफोरा आर'जलाइ गथायदों

गोदान दिल्ली, 9 जुलाई: भारतनि हौवाफोरनि फुटबल हान्जानि गाहाइ कच सायख' जागोनखो लानानै सोलिफु समाव गोबां सावरायनाय नुनो मोन्दों। गाहाइ कच मासिनि थाखाय महन बागान आरो इस्ट बेंगलनि बारा' कच स्टेनली रजारिय आरो नर्थ-इस्ट इनाइटेडनि सोलिफु लेडइ गथायदों। फिफा वर्ल्ड कार्पनि थामथि राउन्डआव सौहैनायनि लामायाव जेन्नानयनि उनावनो भारतआ इगर स्टिमेकखो गाहाइ कच मासिनिफ्राय बोखानायनि उनाव बे मासिआ लांदों जानानै दड। गाहाइ कच मासिखो सुफुंनो थाखाय अल इन्डिया फुटबल फेडरेशननिफ्राय मुलुगनिफ्राय



गासै मोन 291 आर'जलाइ सौफेदों। फेडरेशननि बादिब्ला, बेनि गेजेराव मोन 100 आ इउएफा प्र: लाइसेन्स डिप्लमा गोनां आरो

मोन 20 बिजाथिनिफ्राय एएफसि प्र: लाइसेन्स डिप्लमा दड। बेनि अनगयै साथाम बिजाथिनिफ्राय कनमेबल लाइसेन्स गोनां रजारिय आरो मुशानियावबो

एएफसि प्र: लाइसेन्स डिप्लमा दड। महन बागान सुपार जइन्टसखो 2023-24 आइएसएल लीगनि शिल्ड देरहानायाव मदद खालामनो

हानाय एटनिज लफेज हावसाआबो आर'जलाइ गथायदों। फेडरेशननिफ्राय स्टेनली रजारिय आरो नौशाद मुशानि आर'जलाइ गथायनायखो फोरामायदों। बेबादि थासरिआव फौगो 20 जुलाईखालि फेडरेशननि वकिं कमिटीनि जधुम्मानि गेजेरजों बिजाथिफोरनि मुं फारिलाइखो फोसावनाय जागोन। बेनि सिगां फेडरेशननि लें डाइ आफादिगिरि एनए हेरिसनि बान्जायनायाव बिजाथिलाइ गथायनायफोरनि सायाव सावरायनाय जागोन। फेडरेशननि बादिब्ला, सोलिफु दाननि जोबनायर्थि गाहाइ कचनि मुंखो सायख'नाय जागोन। जेराव बेनि सायाव वकिं कमिटीनि 20 जुलाईखालि जधुम्मायाव सावरायनाय जागोन। □

गसाइगावनि मिबथिसार जानाय आइजो दालिमि दासआ रुंसारि जाबाय

गसाइगाव, 9 जुलाई: गसाइगावनि डिके लामानि भारतीय स्टेट बैंक साखाथिनि थागिरि, आसाम राइज्यो मोब्लिव परिषदिनि आजिर मोन्या मावसुमा सितरन्जन दासनि बिसि दालिमि दास (62) आ दिनै बेलासिआव गावनि थाखुलियाव जोबथा हां बोबाय। गोबाव सान नाडे बेरामजों गोलेसोनानै थानाय दासआ न'आवनो फाहामथाइ लाबाय थादोंमोन। सासे अन्सायगिरि, नोरोम आखुनि, गोदै रव बुंरा, धोरोम सिबियारि आरो आइजो महेर मिबथि जानाय दालिमि दासआ गसाइगाव जगतगुरु श्रीमन्त शंकरदेव दालाइ सत्रनि सासे गोसो गुदु सिबियासिनो। दालाइ सत्रआव खुंनय मोनफ्रोमबो हाबाफारियावनो बिथाड सांग्राडे बाहागो लानायजों लोगोसेनो गुबुन गुबुन समाजआरि खुंनय हाबाफारिफोरवबो समानै बाहागो लादोंमोन। बिथानि रुंसारि जानाय गसाइगाव जगतगुरु श्रीमन्त शंकरदेव दालाइ सत्र, गसाइगाव टाउन बारवारि श्रीश्री कालि मन्दिर आरो नामघर, गसाइगाव दालाइ साहित्य सभा, कमल नाथ क्लब काम लाइब्रेरि, गसाइगाव मिरु रडालि बिहु बान्जाय आफादजों लोगोसेनो माखासे आफादफोर गोथैथै दुखु फोरामायथिना दुखुजों साग्लोबसारनाय नख'रआरिनिमिस दुखु सोमजिनयनो। रुंसारि जानाय समाव बिथाड फिसाय, सानै फिसान्ता, बिहामजो, फिसौफोरजों लोगोसे माखासे आंगोनि सुबुंफोरखो बे संसारआव नागरलाडो। मोनाबिलिआव माखासे अन्सायगिरिफोरनि नुजाथि फेनायाव जायगानि रेकर फिल्ट गोथैसालिआव बिथांखो जोबथा बिदाय होयो □

बिस्वनाथ हाग्रा बिफानआ सा 5 दुथांफोरखो हम्दों

बिस्वनाथ, 9 जुलाई: काजिरङ्ग माहारियारि पार्कनि बांसिन ओन्सोलनि अदो दै बानाजों लोमजानानै दाड। जायनि जाहोनाव जिउ रेखाथिनि थाखाय पार्कनिफ्राय ओंखारबोनानै काजिरङ्गानि साखाथियाव थानाय गोजो जायगाफोरव जिब-जुनातफोर थाफेनो हम्नयखो नुनो मोन्या जादों। जर'खायै काजिरङ्गानि

साखाथियाव थानाय ओन्सोलफोरव थाफेनाय मैखो माखासे दुथां सुबुंफोर गात्रि खाबु लानो नागिरनयनि गोखों अजद सिखांदों। मिबथिनो मोन्याय बायदिद्ला मैखो बुथारनानै वेदर जादों। बिस्वनाथनि हेलेमआव हाग्रा बिफानआ मैनि बेदर फान्नायनि हे'थायै गोखों नायबिजिरसंनय हाबाफारि

सामलायदों। हेलेम खाजोना बेंखनि सिडव थानाय हाहा फोथार गामियाव हाग्रा बिफानआ नायबिजिरसंनानै मै बेदरजों लोगोसे सा 5 दुथांफोरखो हम्नो मोनो। मैनि गोथां बेदरजों लोगोसे ओंखाम संनयावबो मै बेदरनि ओंखि मोन्नो हादों। हाग्रा बिफानआ हम्नो हानाय दुथांफोर जाव्या सुनिल बैड, दिनु गौड, महेस गौड, रमेश गौड आरो बिजय गौड। काजिरङ्गानि बेंखनाव थानाय गमिरि रेन्जआ बे न। य बि ज र स न। य खौ सामलायदोंमोन। काजिरङ्ग माहारियारि पार्कनिफ्राय दैबानानि थाखाय ओंखारबोनानै मैखो बुथारनानै हाहा फोथार गामियाव बेदरखो रुन्नानै जानाय जादोंमोन। बिसेरखो बिस्वनाथनि दानयाय बिजिसस दालाइसा मावख'याव लाखिनाय जादों। गुबुन फारसेधिं, दै बानायाव गोजाव बोनाय जिब-जुनातफोरखो आलाय-सिलाय एवा गात्रि नोजेरजों नायनो नाड होन्नानै हाग्रा बिफानआ खावलायदों। नडखाल आयेनि गोखों रहा लानाय जागोन हाग्रा बिफानआ हुमखि होदों □

रासियाआ भारतारि रौनियाफोरखो हगारसिगोन

हान्जानिफ्राय भारतारि रैनियानि साखि मावनाय सुबुंफोरखो साखिनिफ्राय रेहाय होनाय जासिगोन होन्ना गोसो गोरोबनायखो फोरामायदों। मख'नो गोनांदि, 2022 माइथायाव रासियाआ इडकेनखो गार्लोबेन्जेदोंमोन। बे रासियानि दावहायाव गोबां भारतारि नोगोरारिफोरनो रासियानि रैनिया महेर थिसनजादों। साखि मावनाय एवा गुबुन जाहोनाव रासियाआव थानाय गोबां भारतारिफोरनो बे दावहायाव बाहागो लाथारनादों होन्ना अजद मोन्या जादोंमोन। बे दावहायाव थिसनजानाय सानै भारतारिफोर जिउ गोमानादोंमोन। बेनि उनावनो बे आयदाआ भारतनि थाखाय गोनांथार आयदा महेर मोन्दोंमोन। मिबथिनो मोन्याय बायदिद्ला रासियानि रैनिया हान्जायाव दासिमबो गोबां भारतारिफोर थिसनजानानै दड। रासियानि हादतगिरि पुटिनआ बिसेरखो गासैबो हगारहरजोबनायनि थांखि लादों होन्ना मिबथिनो मोन्याय जादों □

बाक्सानि आइटि पार्कआव पुलेट दिहुनयानि खाबुफोरनि सायाव सांग्रांथि हाबाफारि खुदों

हाबाफारिफोरखो मावफुंनयनि दावगानायनि सायाव खौरं लायो, जेराव पिएसिएसनि कम्पुटराइजेशन, कमन सार्थिस सेन्टार (सिएससि)नि थाथाय, हासार लाइसेन्स, मुलुगनि बर्यनिखुडोवे देरसिन माइरं दोनथुमनाय हाबाफारिनि सिडव माइरं दोनथुमनायनि थाखाय हा सिनयथिनय बायदि आयदाफोर दंफायो। बेनि अनागयैबो, बिअडिफोरखो मडेल गुदि आबाद क्रेडिट ससाइटीफोरखो जौगाहोनाय आरो मुक्था आबादखो जौगाहोनायनि हाबाफारिफोरनि बागै सांग्रां खालामनाय जायो। बे सांग्रांथि हाबाफारियाव बाक्सानि डिआरसिएस आरो गुबुन बिबानगिरिफोर बाहागो लायो। हाबाफारिनि उनाव मावख'आरि हान्जाया भाइब्रेन्ट बिटिआर मिसननि सिडव 100 साननि मावथांखिनि मोनसे बाहागो महेर बाक्सआ आर डब्लिउ डि डब्लिउ एम माइ क'अपारेटिभ ससाइटि आरो 2 नं मध्यम बाक्स बिएसएस लिमिटेडनि गदामाव माइ मिलनि लुनाय जायगाफोरखोबो नायगिर्दिहैयो □

दुलाराइ आसाम जिल्ला थाखोनि बास्केटबल टुर्नामेन्टआ खुंफुं जाबाय

आरो हिन्जावसाफोरनि गासै मोन 13 हान्जाफोर बाहागो लादोंमोन। आसाम बास्केटबल एस'सिएशननि मावफुं आफादिगिरि कामिनी सर्मा, आसाम फुटबल एस'सिएशननि नेहाथारि डू संग्रां ब्रह्म, आसाम बास्केटबल एस'सिएशननि लोगो नेहाथारि अरुप ज्योति चौधुरीआ बान्था रुन्नाय हाबाफारियाव बाहागो लानानै देरहासार हान्जाफोरनो बान्थाखो गथायनानै होयो □

नंखाय फार्मासिस्टनि फोरमान बिलाइ गैथै फार्मासिखो शील खालामबाय

एम्बिबिएस बादि नंखाय फार्मासिस्ट जुरान आलि आहमेदिनि गंसे बिजि थुनायाव बाक्सआ जिल्ला सालबारि महकुमानि कातलपारनि लाइजु रामसियारिनि फिसान्ता बाबुल रामसियारिआ अबाथियै जिउ गोमानो गोनां जादोंमोन। बाबुल रामसियारिआ सरसनखा मोदोम सानाय मोन्दाथिनायाव मुलि नागिरनानै नंखाय फार्मासिस्ट जुरान आलिनिफ्राय थादोंमोन। जायनि उनाव जुरान आलिआ बाबुलखो गंसे बिजि थुदोंमोन। जायनि उनाव न'आव थानानै बाबुल रामसियारिआ लोमजायो। इयुन समाव देहा फाहामसालिआव थिसनहैदोंब्लाबो बाबुल रामसियारिआ जिउ गोमायो। भुगिनांनय नख'रनि अजद होनायनि बिथायाव आथिखालाव सिमलागुरि पुलिसआ दायनिगिरि नंखाय फाहामगिरि-फार्मासिस्ट जुरान आलिखो हम्बाय। दिने बाक्सआ जिल्ला लोगो कमिसनार एसिएस मट्रेय एल सन्दिखे, महकुमा मेडिकेल आरो देहा सिबिथाइ जुथाइ बिथोनगिरि दुर्लभ पाठक, बाक्सआ जिल्ला मेडिसिन नायसंगिरि इश्वर हाजिरिका, सालबारि महकुमा पुलिस बिबानगिरि निलतपल शयकिया, सिमलागुरि पुलिसनि दैदेनयाव मोनसे हान्जाया दिने माजरआवआव थानाय नंखाय फार्मासिस्ट जुरान आलिनि फार्मासिखो शील खालामनानै फार्मासिआव थामनाय मोन 46 गुबुन गुबुन बेराम जानायनि टेन्टेद, माखासे समफारि बालांनय मुलिफोरखो बोखांदों। मख'नो गोनांदि, बाक्सानि सालबारि, बरेपेट रड, हाउलि बायदि गुबुन गुबुन ओन्सोलाव बेबायदिनो माखासे मुन्ना भाइ एम्बिबिएस बायदि फाहामगिरि, फोरामानलाइ गैथै फार्मासिस्ट महेर खामानि मावगासिनो दड। राइज्योनि गिबि मन्थि आरो देहा बिफानआ बिसेर नंखाय फार्मासिस्टनि हेथायै माबादि रहा लायो बेबादिखो इयुन समावसो मिबथि मोनसिगोन। फारसेधिं सासे नंखाय फार्मासिस्टनि आखायाव सासे लाइमोनआ जिउ गोमानो गोनां जानाय जाथाइखो गोलेथै आजावना लानो हायाखे बाक्सआ जिल्ला दुलाराइ बर' फरायसा आफादआ। बाक्सआ जिल्ला एक्सुनि आफादिगिरि उमेस दैमारीआ बिफानआरि संदानानै बिसेर नंखाय फाहामगिरिनि सायाव गोखों रहा आजावनायनि अनागयैबो आयेन बेरेखायै सामलायलानाय फोरमान बिलाइ गैथै फार्मासिखो बोखानायनि दाबि दैखांदों □

(□ 1 बिलाड़िनफ्राय)

'बिग बस अटिडि 3' आव नै सप्ताहयावने साब्रै कन्टेस्टेन्टआ एलिमिनेट जाबाय

बिग बस अटिडि 3 आ जैरे-एरैने आवगायगसिनो दड। बिबिनो बेयो आरोबाव इन्टेन्स जालांगसिनो दड। बे सिजनआव आरमान मालिकनिफ्राय लानानै विशाल पान्डे आरो लबकेश कटरिआ बायदि माखासे मुंदांखा सशेल मिडिया स्टारसआ गावनि आखुखौ नायगिरिफोरनो बे स्व'नि गेजेरजौं दिन्थिगासिनो दड। अनिल कापुरनि बे जेना गोनं रिएलिटी स्व'निफ्राय नै सप्ताहयावने साब्रै कन्टेस्टेन्टआ थानांबाय। न'आव गासै 16 कन्टेस्टेन्टफोरा एन्ट्रि लादौंमोन, जायनिफ्राय दासिम पायल मालिक, निरज गयल, पौलीमि दास आरो मुनिषा कटवानि मोनहा एलिमिनेट जाखंबाय। आथिखालाव थामथि



सप्ताहयाव फिन खेबसेबाव नमिनेशननि थुंग्रिआ नख'रनि मानसिफोरनाव थाबथानानै दड। बे सप्ताहयाव जायनि सायाव बांसिन गिथावन जादौं, बै कन्टेस्टेन्टआ रावबो नड, लब कटरियासो। बिग बसआ माखासे आयेन दड, जायखौ सिफायग्राया न'निफ्राय एलिमिनेट जाबलाबो जायबलाबो, नाथाय बेनि सायाव जेनाया जेबलाबो गिदिंबाय थागोन। लबकेश कटरियाखौ बिग बसआ बे सप्ताहयाव न'निफ्राय होखारनायनि हुमखि होदौं। बे बाथ्राखौ जाहाथे रावबो कन्टेस्टेन्टआ मिबथिया। सना

सुल्तान आरो साइ केतननि उनाव बे पावारआ एल्विसनि मोजां लोगो लब कटरियानो होनाय जादौं। इन्वेस्टिगेशन टास्कआव जेव रावबो कन्टेस्टेन्टआ बेखौ मिबथिनो हायाखै दि बायजोनिआ सोर, अब्ला लब कटरियानि मोजां लोगो विशाल पान्डेआ बेखौ मिबथिनो मोन्दौंदि, बायजोनिआ सोर। लबआबो बिखौ बे बाथ्राखौ सिखोमानो हायाखै मोन, जायखौ रगा जौनानै बिग बसआ आथिखालाव बिथांखौ न'निफ्राय बायजोआव थानायनि थाखाय नमिनेट खालामबाय। दा खबरिआ गावनि एक्स एकाउन्टआव मोनसे भिडिअ शेरार खालामदौं, जेव गसिबो न'नि सुबुंफोरा लिबिंग एरियाआव जियनानै दडमोन। बेनि गेजेरजौं बिग बसआ बयनावबो सौंदौंदि, सोर सोर लुबैयो जे लबआ न'निफ्राय बायजोआव थाडैखौ, जायनि फिन्नायाव दिपक चौरसिआ, विशाल पान्डे आरो शिबानिजौं लोगोसे सना मकबुलआबो गावनि आखायखौ दिखिदौंमोन। बेनि उनाव बे थिरंथाया नायगिरिफोरनि जागोन, जे बिसोरो लबखौ बासायो ना बिखौ स्व'निफ्राय बायजोआव थिनहरो।

गाहाम देहानि राहा

फुडव उदै खालियाव थालिर जानाया देहायाव जेना लाबोनो हागौ!

थालिरआ मोनसे मोजां निउट्रियेन्ट फिथाइ, जाय मोनफ्रोमबो बोथाराव गोरलैयै मोनो हायो। थालिरआ मोनसे जोबोद बाडइ बेसेनि नाथाय गोहोजौं बुंफबनाय फिथाइ। उखैयोब्ला थालिर जायोब्लानो उदैखौबो गोरलैयै आबुं खालामो आरो देहायावबो थाबैने गोहो मोनगोन। बबेखानि, थालिर जानायनि बागै गोबां सल'बाथाफोर दं। माखासे सुबुंफोरा बुखेदि, फुडव उदै खालि थालिर जानाया मुलाय्फा गोनां। खायफाया फुनि ब्रेकफास्टयाव थालिर जायो। माखासे सुबुंफोरा फुडव थालिर जानायनि जाहोनयाव जेनाजौं मोगा-मोगि जानो हागौ। बे बाथ्राया सैथोदि, थालिरखौ गाव-गोजायै जानो नाड। माखासे सुबुंफोरा फुडव उदै खालि थालिर जानाने उदै सानाय, गेस आरो एसिडिटीनि जेनाजौं मोगा-मोगि जानो हागौ। थालिरखौ जेबलाबो ब्रेकफास्ट एवा गुबुन आदारजौं जानागौ। मानोना थालिरआव गोबां कार्बहाइड्रेट मोन्याय



जायो, जाय डइजेसनआव जेना सोमजिहोनो हागौ। बेयो गेस आरो लोमजानायनि जाहोन जानो हागौ। बे कार्बहाइड्रेटफोरा एफअडिएमएफि, जाय बिबुआव गेस सोमजिहोयो। माब्लाबा माब्लाबा उदै गाजि जानाय, गोबानाय एवा गुबुन जेनाफोरबो जानो हागौ। बेनिखायनो जेबलाबो गुबुन आदारजौं थालिर जानागौ। खायफाया हमदानो हायोदि, फुडव उदै खालि थालिर जायोब्ला लिथियाय खम जायो, बेयो उदैखौ साखोन-सिखोन लाखियो आरो डइजेसनखौ गोखौं खालामो। बिदि नडब्लाबो, थालिरआव कार्बहाइड्रेट आरो केलेरिनि बिबाड जोबोद गोबां थायो। उदै खालि थालिर जायोब्ला बेनि हागोन।

सनाक्षि सिन्हाआ जाहिर इकबालजौं जुलि जाखानायनि उनाव गावनि खामानियाव फैफिनबाय

थानाय दानआव फावखुंगुर जाहिर इकबालजौं लुलि जानाय फावखुंगुर सिनाक्षि सिन्हाआ फिसा ब्रेकनि उनाव खामानियाव फैफिनबाय। बियो 11 जुलाईआव जि 5 आव दिन्थिजानो नागिरनाय हरर कमिडि सावथुन 'काकुड़' आव नुजाथिगोन। बेनि उनावनो सावथुन दिहुनगिरि सन्जय हिल्ला भन्सालिनि वेब सिरिज हिरामन्डि 2 खौबो फोसावखांबाय। खौरनि बायदिब्ला, सनाक्षिआ बुंदौंदि, 'आं आंनि केरियाखौ जे बायदि बानायदौं, बेजौं आंहा जोबोर गोजोन्याय दड। इयुनावबो आंनि गोसोनिनो खामानिखौ



मावगोन'। आं आंनि सल' सावथुन अकिरानिफ्रायनो गावनि सावथुनफोरखौ बासिख'नायनि ट्रेकखौ सोलायनानै लादौंमोन। ओरैबायदि सल'नि बाहागो जानो सानो, जेराव आइजोफोरखौ गोखोडै दिन्थिनाय जायो। काकुड़यावबो बिबिनो। फावकुंगुरिआ

हिरामन्डि जा ककुड़ जा बेनिफ्राय बांसिन गोजोन्यायखौ खामानिनि जाथाइयाव गोरलैयै फावगिरिफोर मोनो हाया। आं जे जायगायाव दिने दड, बेजौंनो खुसि, मानोना बे जायगाखौ आं गावनो बानायदौं। सन्जय लिला भन्सालिनि दिहुन्याया वेब सिरिज हिरामन्डि 2 नि फोसावनायाबो जाखंबाय। सन्जय लिलाया सनाक्षिनि थाखाय बुंदौंमोनदि बिथानि पावआव संखि बायदि बाथ्रा दड। बेनि सायाव मोनसे स्व'आव फरिदननि फाव दिन्थिखानाय सनाक्षिआ बुंदौंदि, 'आं हिरामन्डि 2 नि थाखाय जोबोर एक्सइटेड'। सन्जय सारआ आंखौ संखि बुंदौंब्लाबो, नाथाय बे स्व'आव संखि बानलु आरो गसिबो मस्तलायानो दंजोबो होना आं सानो। सनाक्षिनि जुलिआ जोबोर प्राइभेटयै जादौंमोन। बियो बुंदौंदि, आं जोबोर मोजांनि गेजेराव दड। आंनि जुलिआ जोबोर पारफेकमोन। आंनि गसिबो लोगोफोर, जाय आंनि आंगोफोर बिसोरो गसिबो फैजोबदौंमोन।

आनान्त आरो राधिकाआ हलि बायदि खुंफुदौं गावसिनि हाल्दै सेरेमनिखौ



आनान्त आम्बानी आरो राधिका मार्चेन्टआ 12 जुलाईआव जुलि जासिगोन। एन्टिलियाआव जुलिनि नेम-खान्थिया जागायबाय। 5 जुलाईयाव जेराव संगित सेरेमनिनि हाबाफारिया जादौंमोन। फारसेथिं 8 जुलाई एवा समबारआव हाल्दै सेरेमनिआ जादौं। जानो गोनां हिन्जाव गोदान आरो हौवा गोदान सानैनिबो मुनि हाल्दैनि गाबआ नांखांबाय। सशेल मिडियाआव हाल्दै सेरेमनिनि उनाव माखासे भिडिअफोरा भाइरेल जागासिनो दड, जेराव सेलेब्सफोरखौ आम्बानी हाउसनिफ्राय बाइजोआव

नांनयमोन। बेल'नड बिथानि हाल्दै सेरेमनिनिफ्राय मोनसे सावगारियाबो सोराडव भाइरेल जागासिनो दड, जेराव पान जानायबो नुनो मोन्दौंमोन। फावखुंगुर सलमान खानआ आनान्त आरो राधिकानि हाल्दै सेरेमनियाव गोसोम गाबनि पटनि कुर्ता पाइजामा गानानै सौहैदौंमोन, नाथाय उनाव बिथाड गावनि आउटफिटखौ सोलायदौं। भाइजानआ हाल्दै सेरेमनिआव अरेन्ज गाबनि कुर्ता आरो गोसोम पाइजामा गानदौं। मख'नो गोनांदि, फावखुंगुरआबो आनान्त आरो राधिकाखौ हाल्दै फुन्दौंमोन। हौवा गोदान बिबथे आरो विमादौं टिना आरो अनिल आम्बानीनिबो भिडिअआ सोराडव फैदौं। मिबथिहोनया जादौंदि, राधिका आरो आनान्तनि प्रि-वेडिं फांखनआव माखासे दंखोगिरिफोर गावसिनि दंखोजौं बयखौबो रंजाहोदौंमोन, जेराव जामरगरनि रिहानाआ गावनि मिलौदो दंखोनि जादुखौ गोसारहोदौं।

अनुष्का शर्मा आरो भिराट कहलिनि भिडिअआ लन्डननिफ्राय भाइरेल जादौं

अनुष्का शर्मा आरो भिराट कहलिआ फिन खेबसेबाव गावसिनि ध्यान बोदौं। सशेल मिडियाआव सानैनि मोनसे भिडिअआ भाइरेल जागासिनो दड, जेराव अनुष्का शर्मा आरो भिराट कहलिखौ कृष्णनि भक्ति खालामनायाव गोसो होनाय नुनो मोन्दौं। अनुष्का शर्मा आरो भिराट कहलिआ गोसोनिफ्राय जोबोर धोरोगिरि आरो जेबलाबो मन्दिरफोराव आरो गुबुन जायगाफोराव थानाय नुनो मोनो। सानैजौं जेबलाबो उत्तराखान्डआवबो दर्शन खालामनो थाडो। अनुष्का शर्मा आरो भिराट कहलिआ जेबलाबो लन्डनआव भिजिट



खालामहैयो। जयया गावसिनि फिसाज्जा अकाय कहलिनि जोनोमनि थाखायबो लन्डनखौ सायख'दौंमोन। अनुष्का शर्मा आरो भिराट कहलिनि भिडिअआबो लन्डननिमोन, नाथाय बियो बिसोरनि ट्रैबेक भिडिअसो, जाय फिन खेबसेबाव भाइरेल जागासिनो दड। अनुष्का शर्मा आरो भिराट कहलिआ भिडिअआव कृष्ण

सिगां अनुष्का शर्माआ लन्डननिफ्राय फिथाइफोरनि मोनसे सावगारि शेरार खालामदौंमोन, जायखौ सहरआव बिथानि हेपि ममेन्टनि फारसेथिं नोजोर होदौंमोन। अनुष्का शर्मा आरो भिराट कहलिखौ लानानै बावैसो सिगां खौरां मोन्दौंमोनदि, जराया लन्डनआवनो थानायनि प्लान बानायगासिनो दड। क्रिकेटारनि रिटायरमेन्टनि उनाव जराया सिथायै थानैनो थाखाय इडकेआव थानायनि थिरंथा लादौं। बबेकानि भिराट आरो अनुष्काया दासिमबो बे खौरनि सायाव जेबो कमेन्ट खालामाखै।

शाहरुख खाननि 'कभि आलविदा ना कहना' सावथुनआ कपि खालामनायसो होनानै पाकिस्ताननि फावखुंगुरआ दाबि दिखादौं



खानआ गावनि मोनसे सावथुनआव बिथानि खामानिखौ कपि खालामदौं। नासिरआ बावैसो सिगां इस्लामावादआव पाकिस्तान नेसनेल काउन्सिल अफ आर्टस (पिएनएसिए) नि महाराव खामानि मावदौं। बिथानो प्राइड लाइनआ जोबोर आलादा बेनिखायनो बेखौ बेबायदि कम्पेयारबो खालामनो हाया। मिबथिहोनया जायोदि, किल सावथुनखौ करण जोहर आरो गुनित मोंगाया जर'खायै प्रडिउस खालामदौं। बियो गोबां खम बाजेटआवनो बानायनाय सावथुन। फारसेथिं निखिल नागेश भाट्टआ बे सावथुनखौ दिथा होदौं। सावथुनआ 5

अफ पाकिस्तान, तमगा-ए-इम्तियाज आरो गोखौं फावखुंगुर हिसाबै माखासे बाथाबो होखांबाय। इडतुव चेनेल जबरदस्त विद बासि शाहखौ होनाय मोनसे इन्टारिभउआव तौकिर नासिरआ बुंदौंदि, शाहरुख खानआ जेबलाबो बिथानि खामानिखौ बाखनायबाय थायोमोन आरो गाहाम हामलायथिबो हरोमोन। अदेबानि बेनि गेजेरजौं बिथाड शाहरुख खानखौ सावथुनआव दिन्थिनाय आंथिनि जोखोम जानाय सिनआबो बिथानि नाटकनिफ्रायनो लानाय जादौंमोन। 'कभि आलविदा ना कहना' सावथुनआ 2006 माइथायाव रिलिज जादौंमोन। बे सावथुननि स्टिरिजौं लोगोसे दंखोफोरखौबो नायगिरिफोरा जोबोर अन्सायदौंमोन। बे सावथुनआव शाहरुख खाननि अनगायैबो अमिताभ बच्चन, अक्षय क बच्चन, रानि मुखार्जि, प्रिति जिन्ता आरो किरण खेरआबो दडमोन।

'किल' सावथुननि आरजिनाया ब्रैथि सानाव खम जादौंमोन

करण जोहरनि 'किल' सावथुनआ सानथाम बक्स अफिसआव मोजां रां आरजिनायनि उनाव ब्रैथि सानआव गाहायाव दावखलायदौं। सावथुनआ गिबि सानआव 1.25 कौटि रानि कालेक्शन खालामदौंमोन। बेनि उनाव नैथि सानआव सावथुनआ 2.15 कौटि आरो थामथि सानआव 2.7 कौटि रानि



7.40 कौटि रां जाबाय। 'किल' प्रभासनि बिज्ञान फिक्शन सावथुन कल्कि 2898 एडिनि

थाखाय इफेक्ट जानाय नुनो मोन्दौं। कल्कि सावथुनआ दासिमबो हिन्दी नायगिरिफोरनि थाखाय नम्बर 1 सावथुन जानानै दड। नैथि समबारआव कल्कि 2898 एडि सावथुनआ 6.50 कौटि रां आरजिदौं। बे अनजिमाखौ किल सावथुनआ सानब्रैआव गोब्राबै खामायदौंमोन। अदेबानि मोनैबो सावथुनफोरनि स्टिरि

जुलाइयाव सिनेमालफोराव रिलिज जादौंमोन। बे सावथुनआव लक्ष्य लालबानि, राघव जुयालनि अनगायैबो तान्या मानिकवाला, आभिषेक चौहान, आशिष बिद्यार्थि, हर्ष छाया आरो अद्रिजा सिन्हा मोनहाबो गाहाइ फावआव दड। सावथुननि प्रिमियरखौ टरिन्ट फिल्म फेस्टिभलआवबो खालामनाय जादौंमोन।

इउपिआव हाइब्रिड कारफोरा जोबोद बाडइ बेसेननि जासिगोन

गोदान दिल्ली, 9 जुलाई: उत्तर प्रदेशनिफ्राय मोनसे मोजां खौरां फेदों। राइज्यो सरकारआ सोमखोर रोगाथायखौ बांहोनो थाखाय हाइब्रिड कारफोरा लामानि खाजोनाखौ रेहाय होनो फोसावदों। सरकारजों फोसावजानाय बिथोननि बायदिब्ला, गोखों हाइब्रिड मोब्लिबारि मटर-गारिफोरि आरों प्लाग-इन हाइब्रिड मोब्लिबारि मटर-गारिफोरि थाखाय रेबथुमनाय मासुलआव 100 जौखोन्दो रेहाय फोसावनाय जादों। आइएनएस निउसनि बायदिब्ला, आबहावा बायदिये गारिफोरिखौ बोजबना लानो



थाखाय राइज्यो सरकारआ लानाय बेजर'खा थांखिआ कार बायगिरिफोरि आरों मारुति, टयटा आरों हन्डा बायदि गारि बानायग्राफोरिजों गथायजानाय हाइब्रिड कारफोरिखौ मुलाम्फा होगोन। कम्पनीफोरिनि फान्नाया बांगोन आरों बायगिरिफोरा बे

भितारा आरों आर्बान कृजार हाइडरनि हाइब्रिड ट्रिमफोरिनि थाखाय सानजेर रेबथुमनाय खरसाया 1.80 लाख रांसो जागोन। लामानि खाजोना रेहाय होनाया बे कारफोरिनि बेसेनखौ मख'जाथाव महरै बाडय खलामगोन। इन'भा हाइक्रस आरों इनभिकट' बायगिरिफोरा भेरियेटनि सायाव सोनारनाने लामायाव 3 लाख रांसिम मुलाम्फा जानो हागौ। मानोना बेयो सोलिबाय थानाय इभि खांथियाव मोनसे सोदानाय, रेबथुमनाय बेसेनवा बे रेहायआ अक्ट'बर 2025 माइथायसिम मानिनाय जागोन। फेडरेशन अफ

अट'मबाइल डिलारस एससिएशननि (एफएडिए) बायदिब्ला, बे खांथिया इउपिआव गोखों हाइब्रिड मटर-गारिफोरिनि फान्नायखौ बांहोगोन। एफएडिएनि बायदिब्ला, बेफोरबायदि गारिफोरिनि बांसिन बायगिरिफोरा गिबि खेबनि थाखाय गारि बायनाय नड। गिबि मन्थ्रियगो आदित्यनाथनि थांखिआ अट' सेक्टरखौ हेफजाव होगोन। हन्डा कार्स इन्डियानि लेइइ आफादगिरि मार्केटि एन्ड सेल्स कुनाल बहलआ बुंदोंदि, गोखों हाइब्रिड गारिफोराव 100 जौखोन्दो लामा खाजोनाखौ रेहाय होनाया उत्तर प्रदेश सरकारनि मोनसे माइल खुंथिया, जाय बे आबहावा-लोगोआरि गारिफोरिखौ नाजवोनो थुलुंगा होगोन।

लस एन्जेल्सआव बिरखांनाय समावनो फ्लाइटनि साखाया गलांदों

लस एन्जेल्स, 9 जुलाई : आमेरिकानि लस एन्जेल्सनिफ्राय बिरखांनाय इउनाइटेड एयारलाइन्सनि गंसे उरानि सिगांनि साखाया गनाय जाथाव सोमजिदों। अदेबानि बे उरंखौ रेखाथियै बाग्लायहोनो हानाय जायो आरों बेवहाय रावबो सुबुंनि जेवो ख'हा जायाखै होन्ना। एयारलाइनआ मिबथिहोदों। इउनाइटेड कम्पनीया मोनसे फिन्नाय फोसावनायै जात्रबथाइनि बागै मिबथिहोयो आरों बुडोदि, फ्लाइट 1001 आव बेनि खबसे साखा गनाय जाथायाव जेवो रोखोमनि ख'हा जायाखै। बेनि साखाखौ लस एन्जेल्सआवबो मोनो हादों आरों जे जाथायनि जाहोनखौ नायबिजिनो जागायबाय। इउनाइटेड



एयारलाइननि बई 757-200 आव सा 174 दावबायारि आरों कृ गुफनि सा 7 सोद्रोमाफोर दडमोन। मख'जाथावदि, थांनाय 7 मार्च'खालिबो बेबायदिनो मोनसे जाथाया सोराखव फेदोंमोन। इउनाइटेड बई बि 777-200 जेटआ सेन्ट फ्रान्सिस्को निफ्राय बिरखांनायनि उनाव जेब्ला अखांआव सौहैयो अब्ला बेनि मोनसे टयारआ गोसैयो। बे टयारआ एयारपर्टनि मावफारिया पाकि एरियाआव थानाय गंसे कारआव गोसैदोंमोन। बेवहायबो जेवो रोखोमनि ख'हा जानायनि खौरां मोनाखै। बे जाथायनि उनाव कम्पनीया थाबैनो गुबुन एयारक्राफ्टनि बेब'स्था खालामदोंमोन, जायखौ गासैबो दावबायारिफोरिखौ रेखाथियै असाकासिम दैथाइहरनाय जादोंमोन।

भारतआव सा 1,000 नि गेजेराव सा 27 गथ'साफोरा गुबुंले उखुन्दैनि थाखाय जिउ खहा जानाडे



वाशिंटन, 9 जुलाई : मोनसे गोदान बिजिरसंनायनि बायदिब्ला, भारतयाव साफ्रोम सा 1,000 गथ'फोरनि गेजेराव सा 27 आ संनायाव बाहायनाय गहाय थाखोनि फुयेलनि जाहोनाव थैयो। बे बाथाखौ मोनसे मुदांखा आमेरिकानि मुलुगसोलोंसालियाव चार्लस एइस डायसन स्कुल अफ एप्लाइड इकनमिक्स एन्ड मेनेजमेन्टनि बिबुंगोरा अर्नब बासुजों लोगोसे लिरगिरिफोरा 1992 मायथाइनिफ्राय 2016 मायथाइसिम खारिखौ बाहायदों। कर्नेल मुलुगसोलोंसालियाव चार्लस एइस डायसन स्कुल अफ एप्लाइड इकनमिक्स एन्ड मेनेजमेन्टनि बिबुंगोरा अर्नब बासुजों लोगोसे लिरगिरिफोरा 1992 मायथाइनिफ्राय 2016 मायथाइसिम 'भारतयाव संग्रा खावनायनि गुबुन राहा आरों

खुदियाफोरनि थैनाय' मुनि फोरमायथियाव गेदेर बिबानि नख'रि जरिबफोरनि खारिखौ बाहायदोंमोन। खारियाव बेखौ मोन्नाय जादोंदि, बेयो 1 दानसिम उन्दै गथ'फोरनि सायाव बयनिखुडबो बांसिन गोहोम खोखैदों। बसुआ बुंदोंदि, सरसनस्त्रायै नखरनि संनाय-खावनायनि जाहोनाव संपल'या आबुडैजौगानाय नड गथ'फोरा जानो हागौ गावसोरनि बिमानि खथायाव थायो आरों गोहोम खोखैयो। रिपर्टनि बायदिब्ला, 1992 आरों 2016 मायथाइनि गेजेराव भारतयाव साफ्रोम सा 1,000 गथ'फोर आरों गथ'फोरनि गेजेराव सा 27 आ गहाय थाखोनि संग्रा खामग्रा मुवाजों नांजाबनायनि जाहोनाव थैदों। बसुआ दाबि खालामदोंदि, भारतारि

नख'रफोराव बेनि जाहोनाव हौवासाफोरनिखु, इ हिनजावसाफोरा बांसिन थैदोंमोन। नाथाय बेनि जाहोना बे नडदि, हिनजावसाफोरा बांसिन गोब्राब एबा गुबुंले जानायजों सोमोन्दो गोनां हां लानाय बेरामफोरजों बांसिन लोरबां जायो, मानोना भारतयाव फिसाजलाफोरखौ बांसिन सायख'नाय जायो आरों जेब्ला सासे फिसाजोआ बेराम जायो एबा गुजुयो अब्ला नख'रफोरा बिखौ फाहामथाइ होनो थाखाय थोजासे गोसो होआ। बसुआ मुलुगसोलोंसालिनि मोनसे प्रेस रिलिजआव बुडे, साखो-सिखोन थावनि बाहायनाया गथ'फोरनि सावस्त्रियाव'ल' मोजां गोहोम खोखैनाय नड नाथाय फिसाजोफोरखौ नेवसिनायखौबो बाडइ

खालामगोन। बुहुमनां सावस्त्रि आफादनि बायदिब्ला, मुलुगनि थाम बाहागोनि से बाहागोनि सुबुं अनजिमाया स्त्रे एबा स्त्रेआव ओंखाम सडे, जाय दफां, गोबोर एबा आबादनि दाखोर-दालाफोरखौ थावनि महरै बाहायो जायनि जाहोनाव मुलुगनाडैनो बोसोरफ्रोमबो 3.2 मिलियन सुबुंफोरा थैयो। बसुआ बुंदोंदि, सरकारा परटका सावनायनि बेरेखायै आयेन बानायनो हायो आरों आबादादिफोरखौ पटका सावनो नाड होनना थुलुंगा होनो थाखाय सिगांग्रों रां होनो हायो। रिपर्ट'आ सुबुरुन होयोदि, इन्डर गुबुंले जानायव गोसो होनाया समाने गोनां, मानोना ओनसोलारि आबादादि हा बिगोमा आरों अरन ओनसोल, नख'रनि आखुथाइफोर आरों नख'रनि दाथायावो गुबुन जाहोनफोरनि गेजेराव मोनसे गोनां बिफाव लायो।

कठुआयाव उतरखारिफोरा चीना गुलि आरों ग्रेनेड बाहायनाया रोखा फोरमान जादों

गोदान दिल्ली, 9 जुलाई : समबार सानया भारतनि सुबुंफोरनि थाखाय रोखा फोरमान जादों। जम्मु-काश्मीरनि कठुआयाव उदखारिफोरा भारतयारि रौनिया हानजानि बासखौ हरखाबै गाग्लोबदोंमोन। बे मुगैथाव गाग्लोबनायाव सा 5 रौनियाफोरा मुंखं जादों आरों सा 5 जेखोम जादोंमोन। बे जाथायनि उननिफ्रायनो भारतयारि रौनिया हानजानि जवानफोरा उदखारिफोरखौ नागिरनाय हाबाफारि लागसिनो दं। एखे समावनो, बे गासैबो उदखारि फाव फान्दयनायनि सोमोन्दै गोबां सोमोनांथाव फोरमायथिफोर ओंखारदों। जाय ओनसोलाव भारतयारि रौनिया हानजानि सायाव गाग्लोबनाय जादों, बेयो हिमाचल प्रदेशखौ



फारसेथिं हाजोफोरखौ बारनाय, गुबुन फारसेथिं उधमपुर आरों थामथि फारसेथिं हाजोफोरा भद्रवाहनि फारसे थाडे। उदखारिफोरा हाजोनिफ्राय थाखोमानाने आरों उनाव गहायाव फैनायै कारनि थिखिनियाव सिगांनिफ्राय गुलि गावदोंमोन। बेफोर हाजोआरि ओनसोलफोर आरों बे समाव गोबां दन्दर आरों उदखारिफोरखौ दोनखोमानाय जायगाफोर दंमोन। बेबादि

थादोंमोन। बेलासिनि 2 रिंगासोआव सिनायमोनै उदखारिफोरा जेन्डा नालानि खाथिनि बन'टयाव रौनिया हानजानि गंने गारिफोराव गुलि गावदोंमोन आरों ग्रेनेडबो खुबैदोंमोन। बेनि उनाव किंदली पस्टआव उदखारिफोर आरों रौनिया एबा एसअजिनि गेजेराव मोगा-मोगि जादोंमोन। उदखारिफोरनि हानजाया जायगानिफ्राय खारखोमालाडे। बे गाग्लोबनायाव सा-6 रौनिया हानजानि जवानफोरा जेखोम जायो आरों साबूया जायगायावनो जिउ गोमायो। जेखोम जानायफोरखौ सुबेदार जिल्ला देहा फाहामसालि बिल्लावारआव थिसननाय जादोंमोन। जोहोलाव बिन'द कुमारा बेवहाय रु'सारि जादोंमोन।

एनएमसिआ सिक्किमनि मेडिकल कलेजखौ गनायथि होनो नेवसिदों



गेंटक, 9 जुलाई : सिक्किमनि सावस्त्रि मन्थ्रि जिटि धुंगेलआ राइज्योनि थाखाय गंसे सरकारि मेडिकल कलेजखौ गनायथि होबाय होन्ना दाबि दैखानाय बाथाखौ गोखोडे नेवसिगारदों। बिथाइ बे दाबि दैखानायखौ बांसावनाय होन्नाबो बुडे। नेशनेल मेडिकल कमिशन (एनएमसि) नि मोनसे पाब्लिक नटिस होनायनि उनावबो सिक्किम सरकार मेडिकल कलेजखौ 113 आर'जलाइफोराव फारिलाइ खालामफादों। गोदान डिगि मेडिकल कलेजफोरनि थाखाय मन्थ्रि धुंगेलआ रोखा खालामना बुंथियोदि, एनएमसिया 24 जुनआव मोनसे साबै खालामनायनि उनाव बेनि

गनायथि होनो नेवसिदों। सिक्किमनि बिजेपि आफादगिरि डिडिल राम तापाया सिगाडव गोनांधार थांखिनि थाखाय बाखानायनानै मख'जाथाव गनायथिनि थाखाय मिरुनि सावस्त्रि मन्थ्रि जेपि नडडानो हामब्लाइथि बाउदोंमोन। अदेबानि मन्थ्रि धुंगेलआ रोखा खालामना होयोदि, बे आयदायाव माखासे मावख'यारि हाबाफारिया आद्रा देबावो आरों मेडिकल कलेज लुफुनायनि जेवो खामानि जागायनाय जायाखै। बिजेपि आरों खुंथायाव थानाय सिक्किम क्रान्तिकारि मर्चा (एसकेएम) पार्टीआ दाबि दैखानानै मेडिकल कलेजनि दाबिखौ जाफुंसार होनायनि फारसे लांनायनि थाखाय गिबि

मन्थ्रि प्रेमसिं गलेनो मान होनायखौ नेवसिगारो। एसकेएमनि बुंथिगिरि बिकाश बासनेतआ बे गनायथिखौ बाखानायदोंमोन आरों बेखौ मोनसे माइल खुंथिया होनानै मेडिकल कलेजआ सिक्किमखौ फाहामथाइनि मिरु बानायगोन आरों राइज्योआव सावस्त्रिजों लोगोसे सोलोंथाइ राहाया जौगागोन होन्ना बुंदोंमोन।

2,800 कौटि रानि गेनाखांथि केसआव इडिआ गुजरात आरों महाराष्ट्रआव सिग्रोमदों



गोदान दिल्ली, 9 जुलाई : पपलाज फरेन ट्रेड एलएलपिजों लोब्बा थानाय 2,800 कौटि रानि मानि लन्ड्रि केसआव इडिया गुजरात आरों महाराष्ट्रनि द्रखै जिल्लाफोरव सिग्रोमदों। इडिनि सुरतआव थानाय ब्रान्सआ गुबुन हादतयारि रांखांथि सामलायनाय बिथोमा (फेमा), 1999 नि दफा बायदियै पपलाज फरेन ट्रेड एलएलपि, बिनि शेयारि समाभाइ सुन्दरभाइ मिना आरों अजस कुमार महनलाल नाइक

आरों बिसोरनि हेफजाबगिरिफोरनि नख'राव सुरत, बददरा, मुम्बाइ आरों पुणेनि गुबुन गुबुन जायगाफोराव सिग्रोमहेदों। एजेन्सिया बुंदोंदि, सिग्रोमनाय समाव जेना गोनां लेखा बिलाइ आरों इलेक्ट्रिक मुवाफोरखौ बोखानो मोन्दों आरों बेफोरखौ जब्द' खालामदों। इडिया हिराफोरनि इन्पर्ट आरों एक्सपर्टनि बिथिडाव बांसिन मुलाम्फानि जाहोनाव गोबां बिबानि धोनखौ बायजोआव

दैथाइहरदों होन्ना खौरां मोनानयनि उनाव सिग्रोमनायनि हाबाफारि लायो। नायबिजिरनायनिफ्राय मिबथिनो मोन्दोंदि, पपलाज फरेन ट्रेड एलएलपिआ हिराफोरनि इन्पर्टखौ बांसिन खालामदोंमोन आरों 2023 नि जुलाई, 2024 नि मार्चनि गेजेराव 2,800 कौटि रानि बायजोआव दैथाइहरदों। लोगोसेनो सुरत, दिल्ली, मुम्बाइ आरों पुणेयाव थानाय ब्रान्जफोरनिफ्राय 2,800 कौटि रानि मोन्दों आरों बेखौ हंकेनि गं 8 फसंथानफोरनो दैथाइहरदों। जाय फसंथानफोर पपलाज फरेन ट्रेड एलएलपिनो 2,800 कौटि रानि हारदों बेफोर गासैबो नंखाय एबा आइन बेरेखा फसंथानफोरमोन होन्नाबो सिग्रोमनायाव मिबथिनो हादों।

तामिलनाडुनि सिबकाशीआव पटका फेक्टरी बेरफुनायाव सानै सुबुंनि जिउ गोमादों



चेन्नाइ, 9 जुलाई : तामिलनाडुनि बिरुधुनगर जिल्लानि सिबकाशीयाव गंसे पटका बानायग्रा फेक्टरीयाव गिखंथाव बेरफुनाय जाथाय सोमजियो। बेयाव सानै सुबुंफोरनि जिउ गोमायो आरों सानै गुबुना जेखोम जायो। जेखोम जानायफोरखौ सिबकाशी सरकारि फाहामसालियाव फाहामथाइ होनाय जादों। पटका फेक्टरीयाव बेरफुनाय जाथायनि भिडिअखौ सशेल मिडियाआव नुनो मोन्दों। बेवहाय गोसोम उखुन्दै खुगुंलायखौ नुनो मोन्दों आरों रेखाथि मावफारियाफोरखौ हाबाफारि नुनो मोन्दों। मख'जाथावदि, थांनाय 9 मेखालि सिबकाशीनिनो गंसे पटका बानायग्रा फेक्टरीयाव बेबायदिनो बेरफुनाय जाथाय जादोंमोन। बेवहाय साबा आइजो लेवारफोरजों लोगोसे सा 8 जिउ गोमादोंमोन। बिसोरनि अनगायै सा 12 सुबुंफोरा बेरफुनाय जात्रबथाइयाव जेखोम जादोंमोन।

टेक्ससासनि बोरिमायाव बेरिन बारहुंखाया सिलिंखार खालामदों

टेक्ससास, 9 जुलाई : बेरिल बारहुंखाया समबारखालि फुंनि समावनो टेक्ससासनि बोसिमा सहर माटागर्दायाव गोखों सिलिंखार लाबेदों। बे समाव गोखों बार बारनाय आरों गोबां अखा हानाया गाचियै गोहोम खोखलैदों। आमेरिकानि माहारियारि बारहुंखा मिरुआ फोरमायदोंदि, बोथोरनि 5 थि थाखोनि बारहुंखाया बेनि सिगां के रिबियाननि माखासे बाहागोफोराव सिलिंखार खालामदोंमोन। बेनिफ्राय बेनि

गोखोंथिया लासैयै बाडइ जालानायनि आसा खालामदों। गोखों बार बारनाय आरों थाद'नाय गैयै रोजा अखांनि जाहोनाव समबारखालि सानै सुबुंनि जिउ गोमायो। बारहुंखानि थाखायनो मख'जाथाव थाव जाहाज गाथोनफोरखौ बन्द' खालामनाडे आरों गं 1,300 नि बांसिन उरंफोरखौ केन्सेल खालामनाडे। बे समाव खोला सान्जा टेक्ससासआव 20 लाखनि बांसिन नख'रफोर आरों फालांगियारि मिरुफोरव

मोब्लिब सिबिथाइ मोन्नो हायाखै। मख'जाथावदि, थांनाय सपताहयाव जामेका, ग्रेनेडा आरों सेन्ट विंसेन्ट

आरों ग्रेनेडाइन्सआव बेरिन बारहुंखाया जोबोद सिलिंखार

खालामलांदोंमोन। बेवहाय सा 12 सुबुंफोरनि जिउ ख'हा आरों गुदि बिथाफोरा गोबां ख'हा जालांदोंमोन। बे बारहुंखाया हिउस्ताननि खोला-सोनाबधिं घन्टयाव 12 माइल गोखैथिजों सा-सान्जा फारसे आवगायगासिनो दड। बेनि गोहोमखौ लवार मिंसिसिपि हायेन आरों बेनिफ्राय अहिय हायेनसिम सौहैनायनि सिगां सान्जा टेक्ससासआव नुनो मोन्नो हागौ।

